



Hmasawna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Daily & Direct Service
JIRIBAM / HMARKHAWLIEN
C/o Babita # 9862129273

Contact Numbers pawimaw :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room: 03874-233239
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600

Hmasawna Thar Vol - 32/192

Churachandpur

email : hmasawnatharnews@yahoo.com

Phone: +91-3874-236846

Rs 6/- per copy

Mizoram le HPC (D) inbiekna sunzawm; Inbiek nawk Political level a hlangkai beisei



(photo: Henry L. Khojoi)

AIZAWL: Riruonga lo um ta angin Mizoram sawrkar le HPC(D) palai han inremna zawnga inbiekna an nei mek a thawklina chu April 27, 2017 khan State Guest House, Aizawl, Mizoram-ah an nei a nih tiin HPC(D) palai han ei chanchinbu an hril.

leinin Mizoram sawrkarin sin thaw le sukfel ding hmabak tam tak a nei a, hi le inzawm hin state sawrkar chun mawphurna le hmabak hai an duong ta bawk a, SHC bill hi buoiupi mek a ni a, inbiek nawk huna phar hman ding zofel beisei a nih tiin HPC(D) palai hai chun an hril.

Inbiekna hi borok thla le hadam tak hnuoia nei a ni a, inbiekna hin HPC(D) palai hai chu Pu L.T. Hmar, Working Chairman, HPC(D) in an rawi a, Mizoram sawrkar tieng chu Pu Lalbiakzama, Addl. Secretary (Home), Govt. of Mizoram in an rawi, a midang Mizoram aiawa inbiekna thang dang hai chu Joint Secretary (Home) Pu Lalhriatpua; Rodingliana Chawngthu, SP, CID (SB) le Pu David H. Lalthangliana, OSD (Home) hai an nih.

Chun, inbiekna huna hin HPC(D) hai rehala-bilitation chungthu khawm hrilsa a ni bakah Sinlung Hill Council Political situation (Council) dan le dun fumfe tak neia mipui han roinrela puitling tak an nei theina ding chungthu khawm chipchier taka hriltlang a nih. Danpui hnuoia roinrela khawl puitling tak nei dinga riruonga ni leinin tuta tuma inbiekna hin thil tul le pawimaw tam tak hai hrilsa a ni a. Hi lei hin tuta tuma inbiekna hai a hmawr inbawk el la ninaw sienkhawm inbiekna hi tuong le borok thla tak hnuoia nei le zo fel a nih.

Zanita Mizoram sawrkar le HPC (D) inbiekna Manipur-a inthawk palai thang dang hai Dr John Pulamte, Pu lalthalien le David Buhri hai an ni a, Mizoram-a inthawk Pu Lalthlamuana Hmar le Lalrammuanpua hai an thang. Zanita inbiekna huna an hril tlang pawimaw tak chu Sinlung Hill Council dan le dun le roinrela khawl fumfe tak a um theina dinga Act hnuoia hoiult dan ding a nih.

Inbiekna sunzawm nawk hun ding hi chieng taka sukfel la ninaw sienkhawm July thla vela inbiekna hi sunzawm nawk dinga beisei a ni thu HPC (D) palai hai chun an hril. Inbiek nawk huna political level a hlangkai a ni an beisei thu Mizoram Home Department official hai chun an hril. (with input from Henry L. Khojoi)

Act hnuoia um ding a ni lei hin Mizoram sawrkar hnuoia Department hran hran a keikhawm sa vawng

Congress MLAs 4 le TMC MLA 1 han BJP an zawm nawk; Manipur a BJP thuoia hnuoia Coalition Govt. thlawptu MLAs 28 an tling tah

IMPHAL: Zanikhan Congress MLAs 4 le Trinamool Congress(TMC) MLA 1 han BJP an zawm nawk. Congress Party suok-sana zanita BJP zawmhai chu Y.Surchandra Singh (Kakching A/C), Sanasam Bira Singh (Kumbi A/C), Oinam Lukhohi (Wangoi A/C) le Ngamthang Haokip (Saitu A/C) hai an nih. TMC MLA pakhat BJP zawm chu Tongbram Robindro Singh (Thanga A/C) a nih. Tongbram Robindro Singh hi BJP-ah a lut el chau ni lovin TMC Manipur State Unit chu BJP-ah an letpui vawng a nih. Tuhin Tongbram Robindro Singh hin CM N.Biren Singh sawrkarah hin Chairman, Planning and Development Authority (PDA) a



chel a nih. Zani chena Congress Party MLA BJP a lut hi 6 an tling tah. Tuta hma Khan Andro A/C a inthawk Congress ticket a thlangting Th. Shyamkumar Singh le Singhat A/C

a inthawk Congress ticket a thlangting Ginsuanhau hai chun BJP an lo zawm ta a nih. Th Shyamkumar Singh chun tuhin N.Biren Singh sawrkarah Forest and Environment, Horticulture & Soil Conserva-

tion, Town Planning le MAHUD Minister a chel mek a nih. MLAs 60 umnaah tuhin Congress Party chun MLAs 22 an la nei. 11th Manipur Legislative Assembly election a khan Congress Party ticket in mi

28 an tling a nih. BJP Manipur Pradesh State Unit chun zanikhan an Party head office, Nityapat Chuthek, Imphal hmuna BJP a lut thar Congress MLAs 4 le TMC MLA 1 hai hi lawmlutna an nei. Hi huna hin CM N.Biren Singh, BJP Manipur Pradesh President K.Bhabananda, BJP NE Strategist tia ko le Assam Finance Minister Himanta Biswa Sarma, Senior Party leaders le BJP workers hai an thang tawl. N.Biren Singh Chief Minister nina le BJP thuoia hnuoia a Manipur Coalition Government thlawptu chu MLAs 38 an tling tah. Coalition Government thlawptuhai lai hin BJP MLAs 21, NPP MLAs 4, NPF MLAs 4,

LJP MLA 1, TMC MLA 1, Independent MLA 1 le defected Congress MLAs 6 an nih. BJP a lut thar hai lawm lutna huna CM N.Biren Singh in thu a hrilnaa chun Party danga inthawka BJP a hung lut thar MLA-hai hi PM Modi Sawrkar an ringzo leia BJP hung zawm an ni a. Hi lei hin PM le BJP an ringzoina hi a bo nawna dingin theitawp suoin hma la tlang seng ei tiu tiin ngenna a siem. Himanta Biswa Sarma chun, Assam, Arunachal Pradesh le Manipur haiah BJP chun sawrkarna an chel ta a. Tuhin Meghalaya le Tripura haiah sawrkarna chel nawk tumin hma a lak mek a nih tiin thu a hril huna a hril.

Moreh an Guest House thar hawng



MOREH: Education, Labour & Health Minister Mr Th Radhesyam chun Moreh a Guest House thar, 'Ima Kondong Lairembi Mithung Shang' chu Zirtawpni Khan Ima Kondong Lairembi Khubam, Moreh ah a hawng. "Moreh, abikin Ima Kondong Lairembi Khubam lai hi sakuona thil le inzinna hmun pawimaw takah siem thei a ni ding a

nuom a ni leinin a neka ropui le mawia siem a pawimaw a, mipuihai khawm nasataka a cheimawina kawnga hmamak ei tul a nih" tiin a hril a. A tul ang anga sukchangkana dinga thaw ding pawimawhai thawna dingin Chief Minister khawm a hril ding thu a hril bawk. Education minister hin DIET Centre, Tengnoupal le Eastern Shine School hai khawm a sir malam a. Hotu le student hai an hmupui a. Hotuhai chun memorandam an lo pek. Function hi Parliamentary Secretary, IFCD Mr L. Rameshwar Meitei, P.S., RD & PR, Mr H. Dingo Singh, P.S., Edn. & YAS, Mr K. Robindo bakah ADC Moreh members hai le IKLMS Construction Committee hai khawm an thang.

Thla thar-ah State Road Transport tan ding

IMPHAL: Prime Minister in India hmun hnufoulhai khawpuihai le tung zawna dinga vuongna man tlawm UDAN scheme a hawng zo char ni khatah Manipur state sawrkhar khawmin Imphal le tlangram po po tha taka infepawna man tlawm lem, fel tak le det tak a um theina dingin thla thar a inthawkin Manipur State Transport (MST) service tan a tum. Hi thu hi Zirtawpni Manipur Cabinet meeting-in a rel a nih. District po po hraw dan ding modality chu thla thar khin siemfel ning a ti. A phut chun MST-in tan phawt a ta, private transport company hai inthangtira suklienin MST hming le enkaina hnuoia thaw ning a ti. A phutna dingin MST-in lampui (route) 14 ah tan a ta, Imphal le district

dang po po; Churachandpur, Pherzawl, Bishnupur, Jiribam, Noney, Tamenglong, Kangpokpi, Senapati, Ukhrul, Kamjong, Thoubal, Kakching, Chandel le Tengnoupal hai tung zawm vawng ning an nih. Imphal khawpui sung motor le mipui an pung hrata traffic an tep deu deu leia accident hai a pung deu deu vengna dingin post thar pahni, SP (Traffic) le Addl. SP (Traffic) siem thar ning a ta. District po po SP haiah Traffic Police attached vawng ni bawk a ti. Internet-a social networking sites le mobile phones hai hmanga Cyber Crimes a pung deu deu leinin hienghai thawna evidences, e-mail, websites, database, court-a hman thei ding lak (retrieve/collect) an dingin computer le laptop haia suizui le man an tul a. Inrang taka evidence lak

khawm le cyber crimes suk-tlawm a ni theina dingin Dy SP (Cyber Crime Division) pakhat siem sa ni bawk a ti. School teacher qualified 'enhanced scale of pay' hmu thah hlaw regularise dan ding khawm hriltlang a nih a. September 6, 2016-a Education Department (S) in a cancel-na order an suu khawm keikir dingin a rel bawk. Solar energy pawimaw-tak sukhtrata dingin in-chunga solar power plant KW 1 pei sei theina dingin sawrkarin subsidy Rs.10,000 pei peng a ta. State capital subsidy ruok chu beneficiary pakhat peiah KW 2 or Rs. 20,000 a limit ning a ti. Manipur Development Society chu siemthak ning a ta, sum hman dan account indiknaw umhai enfelna ding chu CBI taka pek suok dingin Cabinet chun a rel bawk.

CHANCHIN LAKTAWI

Review meeting nei

CCPUR: National Health Mission (NHM), CCPur district hnuoia District Nodal Officer han zani 11AM khan CMO Conference Hall, CMO Complex, CCPur-ah Overall Program Implementation le inzawmin review meeting hmasa tak an nei. Meeting huna hin Dr. Kim Simte, CMO/CCPur; Dr. VC Pau Tonsing, DFWO/CCPur hai khawm an thang a, Nodal Officer han NHM Programme hnuoia sinthawna hai report an pek.

Raja Goukthang Guite Statue hawng ding

CCPUR: April 29, 2017, 10:00AM hin G. Tonjang khuoah Raja Goukthang Guite hrietzingna dinga siem a lim (statue) hawngna um a ti. Statue hi Thangkhoisei Guite, Chief of Tonjang in Kolkata hmuna an siem tir a ni a, CCPur chen phurlung naah Rs. 1,37,000/- a seng a, inthut zo le zo fel vawng hungang Rs. 3,00,000/- vel a seng phak nia hril a nih.

ADC Chairman le VC hai an lawmpui



CCPUR: Hmar Martyrs Trophy Organizing Board (HMARTOB) thuoitu hai chun zani zingkar 8:30AM khan Autonomous District Council (ADC), Churachandpur-a Chairman thar Pu Khaipao Haokip (13-Kholmun MDC) le Vice Chairman Pu V. Khaikhammung (18-Zenhang Lamka MDC) hai chu an chengna in ve ve haiah fe in Chairman le Vice Chairman thar an ni lawmpuinain Hmar Thangsuopoun insiltina an nei. Anni pahni hi Hmar Martyrs Trophy huoihawnta haia inphal taka kut rawl hlak an nih tiin HMARTOB thuoituhai chun an hril.

Mobile thuah JNV student a senior han an vuok

CCPUR: April 26, 2017 zan khan JNV Tuinon boarding-a um Master Richard Kom chu senior students han Mobile phone chungthuan an vuok nia hril a nih. Richard hi JNV a Class VII inchuklai a ni a, a kawng hnuoi le a kut haiah a hliem leinin District Hospital, CCPur-ah first aid pek a nih. Ei thu dawngnain a hril danin a vawtu hai hi Dormitory pakhat a um ni a, Mobile phone thuan an inselbuoi a, chu huna an vuok niin a hril vuok hliema um naupang hin a hril. PT huna a thang-naw leinin an hotu han a roomah an va en a, sienkhawm a thiltuok hi hril el ngam lovin a um a, Principal L. Lam-mamachao Singh le Nurse

Training zo thar hai Certificate inhlanna nei



CCPUR: Senvon Tailoring & Cutting Training Centre, Old Bazar, Tiddim Road, CCPur chun zani 11AM khan Training zo thar hai Certificate inhlanna programme an buotsai a. Hi huna hin T. Goukhomang, ZEO, CCPur chun Training zo thar hai kuomah Certificate inhlanna a nei a, Training Centre neitu Ruolneikhawl @ Khawli chun District Education Department-a a lien tak Pu Goukhomang in an programme hmang a va kan lawmthuhirlnain Hmar Thangsuopoun an siltir. T. Goukhomang chun

training zo thar mi 4 hai kuomah Certificate inhlanna a nei zoin thuhirlna hun tawite a hmang bawk. Senvawn Tailoring & Cutting Training Centre in khawpui sung chau ni lo state dang chena quality tha tak tak poun thui sa an thawndawk theina thuah district sukhmingthatu an ni thu T. Goukhomang chun a hril a, ZEO hnuoia SSA fethlenga sem ding Free Uniform hai khawm anni thui sa a ni thu hrilin a theina chungah SSA fethlenga sem ding Free Uniform thuoitu pakhat an ni pei theina dinga hma a

lak ding thu a hril. Senvawn Tailoring & Cutting Training Centre hi kum 2004 a indin niin District Industry, Govt. of Manipur hnuoia Registered an ni bakah thla 6 a inthawk kum 1 aw Course training an pek a, tuchena hin mi 100 velin training an zo ta a, tuhin mi 27 in training an nei mek. Designer 8 han thuumhnao chi tum tum an design zing a, an puont hui hai khawpui sung chau ni lovin Moirang, Loktak, Moreh, Ukhrul haia khawm demand an hmurawn hle a nih.

Imphal No Horn Zones

IMPHAL: H. Rosita, Director of Transport, Manipur chun zani hmasa khan Rule 119 (1) (2) of Central Motor Vehicles Rules, 1989 hnuoiaah Imphal Khawpui sunga Motor horn hmetrik phal lona "No Horn Zones" notification an suo. Hi dungzia Motor horn hmetrik phal lona hmun hai chu-1MR gate antawh Raj Bhawan sung chen; Raj Bhawan main gate a inthawk thawk Keishampat Traffic Junction; Raj Bhawan main gate antawh North AOC NH-2; CM Bungalow Sanjenthong lampui a inthawk Palace gate; Manipur High Court Complex, Sangakpham; Manipur Legislative Assembly, Chingmeirong tul; Chairap/Session Court Complex, Uripok tuolzawng; Imphal west DC Office/Court complex, Lamphelpat; Hospitals hmun le a sevel hai School umna hmun le a sevel hai an nih. Dan bawsetu hai Rule 119 (1) (2) of Central Motor Vehicles Rules hnuoia man le hremna pek thei an ni an, Gas Horns le multi-toned horn inring tak tak hai mipui umna hmuna hmang khap a ni bawk.

Laisram B. Singh Padma Shree Inhlan

IMPHAL: Manipuri folk music thiem Laisram Birendrakumar Singh (97) chu India rama civil mi chawimawina insangtak Padma Shree Award chu Zirtawpni khan a chengna In, Kwakeithel, Ningthemkol Leikai, Imphal ah Chief Secretary Mr O. Nabakishore Singh-in an hlan. Hriselnawna leinin Mr Laisram B. Singh hi Rastrapati Bhawan-a President-in an hlan lai khaan a thang ve thei naw leinin a chengna Inah Chief Secretary-in a van hlan a nih.

Mithruong pahni hmu a nih

IMPHAL: Zanikhan Imphal East District sunga hmun hran hran pahni-hai mithruong pahni hmu a ni a, en thei dingin RIMS Morgue-ah sie an nih. Mithruong pahni hmu a hai hi pasal ve ve an nih. Ruong ngaiventu an um naw chun dan anga brehmag ning an tih tiin Police thusuok chun a hril.

Gilead Balm Chapel le Spring Fest hawng

CCPUR: Gilead Balm Care Centre, Pearsonmunah zani 11AM khan Gilead Balm Chapel le 15th Spring Fest, 2017 hawng a nih. Gilead Balm Chapel le Spring Fest, 2017 hawngna Rev. S. Ginnalsawm, Director, Social Development, EBC in a nei a, thuhirlna hun a hmang bawk. Spring Fest sung hin item chi tum tum- Double Sermon, Slow Motion Race, Bible Action, innui

inel, Guitar Solo, Quick Dress, Monologue, News Reading, Male Miss Contest, Ligh Weight Lifting hai bakah Quartet, Song-Whistling, Faifuk hlapawl, hlapawl pui, Trio, Solo, Lengkhawm, Duet, Choirchoreography haiah competition nei an a, April 30, 2017 in zo an tih. Gilead Balm hi kum 2002 a Elim Veng, New Lamka-a indin niin tuhin nuhmei 5 thangin mi 74 an um mek.

GAS NEWS

Agency : KIM JOE
Booking : 25th. Jan., 2017 to 25th. FEB., 2017
Delivery: 29-04-2017 (SAT)
Time : 9AM-till stock
STOCK: 306
DBC/NC ngavien thei

GAS NEWS

Agency : SAS
Booking : 24th. JAN., 2017 to 24th. FEB., 2017
Delivery: 29-04-2017 (SAT)
Time : 9AM-till stock
STOCK : 290
Rate: Rs. 884

CMO in Cold Chain Handler training a hawng

Naupang JE damdawi kap pawimaw

CCPUR: District Family Welfare Officer (DFWO), CCPur huoihawnta ni 2 sung aw ding Cold Chain Handler Training chu zani 10:30AM khan DFWO Conference Hall, CCPur ah Dr Kim Simte, CMO, CCPur in a hawng. Dr. VC Pau Tonsing, DIO/DFWO CCPur chun Training fed an ding a hril. CCPur District-ah Cold Chain Point 9 a um a, chu-onghai chu- Saikot PHC, Sagang PHC, Singngat PHC, Behiang PHC, Sinzawl PHC, Thanlon PHC, Parbung PHC, District Hospital le District Vaccine Store (DVS), Churachand-



pur hai an nih. Zanita training hunah Cold Chain Point hmun hai MO in-charge an ruot Pharmacist 1 le nurse hai an thang a, vawisun hin sunzawm ning a ta, Romi, Project Officer, UNDP, Manipur resource person in thang a ti. Thu dangah Manipur-a

Japanese Encephalitis (JE) natna hri inleng hun June le September bakah July thla a ni hlak leinin Naupang kum 2 le a hnuoitieng hai JE vengna damdawi kap a pawimaw thu hriet a nih. JE hi naupang pieng hli-ma inthawk Routine Immunization tha taka zui hai ta dingin a hrana kap a tul naw a, sienkhawm remchang nawna leia lo kap lo hai ta dingin naute thla 9 le thla 12 inkar hai first dose le thla 14 le thla 24 inkar hai Second dose inkaptir ding a nih tiin DIO, CCPur chun a hril. JE damdawi hi Distric sunga Cold Chain point hmun tina khawm inkaptir thei a nih.

VAWISUN THUPUI

Chuonchun Kristaah lungmuong na hrimhrim dam, hmangai, thlamuogna hrimhrim dam, Thlarau pawlna hrimhrim dam, lainatna le lungin-sietna hrimhrim dam a um chun, Lungril hmunkhata umin, ka lawma sukfamkim ro. - *Filippi 2:1-2*

Editorial Driving Licence

Manipur a hin Driving Licence hin ngaipawimaw a hlaw tawk naw a, motor khal thei taphawtin motor hi an khal el niin an lang. Kum tlinglo naupang khawmin motor ankhal hlak. Hi taka inthawk hin thuneituhai khawma driving licence hi an ngaipawimaw tawk nawzie hmu le hriet thein a um. Driving Licence nei lova motor khal hi dan kal le dan bawsi-etna a nih ti hi hriet a. Driving Licence nei hmakhat chu motor hi mipui tamna haiah khal ngailo dinga nih. Motor khal ei nuom si chun Driving school-a in-chuk phawt a, chu zova driving licence hi ngaituoa nei ve ding a nih. Inchukna nei mumal lova motor khal ei tam lein motor eksiden a tam pha a nih.

State dang haia chun driving licence hmu hi a harsa hle. Amiruokchu, Manipur a ruok chun sum neihai ta ding chun driving licence nei hi a harsa nawh. Hi lei hin state dang mi, Manipur a driving licence hung inchaw hi an tam hle a hriet a nih. Transport Department, Manipur a thawktu thenkhat chun driving licence hi sumdawngna takin an hmang niin an lang. A bikin Manipur tlangram district haia District Transport Office haiah driving licence a sumdawngna hi a hluor zuol nia hriet a nih. Pawisaa inchaw thei a ni lein Mizoram, Assam, Nagaland le Meghalaya state mihai chen khawmin Manipur ah driving licence h an hung insiemtir hlak niin ei thu dawngna chun a hriet. Hi thil hi thuneitu han an dik le an diknaw enfel hai sien nuom a um. Indiknaw taka thawtuhai hi dan anga hrem an phu a nih.

Driving Licence hi a zawra ei zawr suokzing chun a ram mi han harsatna ei la tuok pha ding a nih. Hi lei hin ei state sawrkar hin driving Licence peksuokna le inzawm hin an enfeltu ding Committee indin sienla nuom a um. Sawrkar le roreltu an um a ni chun thil indiklo um hi an suizui a, an diknaw a um chun an sukdik le thil indik lo taka thawtuhai an hrem ngam ding a nih. Sawrkar tha le hrat siem dinga hma latu CM in Transport Department hi a enkawl sa a ni a. Driving Licence chungchanga thil indiklo um nia hriet khawm hi hung ngaipawimaw sa ngei sienla nuom a um. A department thawktuhai ringawt hi chu ringzo an um nawh.

India pawisa note tehlem a um ang bawh hin Driving Licence tehlem hi a tam hle a hriet a nih. March, 2017 a National Highway No. 37 (Imphal-Jiribam Road le NH-2 (Imphal-Dimapur Road) haia hmun pathuma Bus, Truck le Winger motor eksidena kham mi 28 zet an thi a. Kha tuma Bus Driver pahnhai Driving Licence khawm kha preliminary inquiry report dungzui chun fake Driving Licence ve ve a nih. National Highway a Bus khal-tuhai chenin fake driving licence hmangin motor an khal thei a ni chun, motor chin khal-tuhai lai lem chu fake driving licence hi a tam hle ring a um. Fake Driving licence-hai dap suokna ding kawngah hin Transport Department in nasa nawk zuola thang an lak a tul. Motor lien khal-tuhai driving licence lem hi chu check uluk zuol dinga tha a nih.

Churachandpur tuong sunga ngei khawm hin driving licence tehlem le motor document tehlem siemtu mi iemanzat an um a hriet a nih. Hi thil hi ngaitha lovin District Transport Office, Churachandpur in ngaivenin suizui nghal sienla nuom a um. Chuong naw chun mi tam tak hlein an pawisa an lakpek hman ding a nih. Tukhawm hin cheng nuoi iemanzat an lam suok hman ta ring a um. No 2 motor (inruk motor) a tam ang bawkin fake driving licence le fake vehicle document khawm a hung tam pei a nih.

Ram changkang le hmasawn tasa, sapram haiah chun Driving School a Certificate neihai chau driving licence an pek hlak. Chu khawm chu practical in motor an inkhaltir a, motor khal an thiem tak tak ngei a nih ti an enfie hnungah driving licence an pek hlak. Ei ni lai ruok hin chu motor khal thei der lo hai khawmin sum an nei phawt chun driving licence an inchawk thei. Mi ramhai leh chu inang lo takel ei nih. Motor khal inchuk mumal um loin motor ei khal a, chu ding si chun ei rama hin motor eksiden a tlawmlem a nih. Ei vangnei ang reng hle.

Myanmar le Bangladesh-a inthawk Vawk laklut a khap

AIZAWL: Mizoram-a Lawngtlai district Administration chun thenum ram Myanmar le Bangladesh haia inthawk Vawk le vawkte laklut khapna order zani hmasa khan an suo. Hi khapna hi thla 2 sunga ding a nih.

Hi thil hi Vawk le vawkte thenkhat Porcine Reproductive and Respiratory Syndrome (PRRS) le classical swine fever in-vavi um nia report dawng a ni leia district sung le

state sung hmun danga hi natna an dar ding vengnaa laklut khapna order hi in-suo a nih.

Kum 2013 kham PRRS lein Mizorama chun vawk le vawkte 3,000 an thi bakah kum 2016 kham Vawk 4,000 chuong an thi a nih. PRRS natna hi Myanmar-a inthawka hung intan niin experts hai chun an hriet a nih. PRRS vawk natna hi Myanmar-a chun a tam hle a hriet a nih. (PTI)

Editorial Board

Lalmalsawm Sellate: Editor & Publisher

Roding L. Sellate: Jt. Editor

Ramditum @ Rama Ralsun: Asst. Editor

Lalsansuok Pulamte & Samuel Zothanglien@SZ Zote: Sports

Joseph Joute: Freelance

Lalruotlien Dulien: Computer Assistant

Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

PRESIDENT POLICE MEDAL HMU



Pu M.T. Chunga Hmar

Pu M.T. Chunga @ Mangtinchung Hmar Republic Day 2017 kham BSF a chawimawina insangtak President Police Medal for Meritorious Service (PPFMS) inhlan dingin puonglang a nih.

Pu M.T. Chunga hi (L) Sailienvung Hmar a naupa kum 1955 kham Tamenglong ah a pieng a, 1960 mau a hung intam kham Ngnukon Siden, Manipur ah an hung inpem a. Hi taka hin NEIG Mission School-ah Class VI chen an chuk a, a chungtieng ruok insung harsatna lein a sunzawm thei ta naw a. Meihawl, Thing, Rawtuoi le tlangram hmeruo chi tum tum Imphal le hmun dang danghai ah zawrin an khawsa a. Chi(Salt) Vawkte le intheng ding damin Vaiphei ram Kolhen-Kamkeilon chen chen an zin bakah Mizoram, Nagaland le Burma(Myanmar)-a hai sumdawngin an vak kuol a. Hi taka inthawk Khawmawi, Churachandpur, Manipur-ah hung insawnin an um.

Kum 1982 kham BSF ah a lut a, STC training Shillongah a zo hnungin 82Bn BSF Bagfa, Tripura-ah sin a zawm a, inditsakna um derlo laia sinthaw'n pa tho-thangtha a ni lein Bn Hqrs. Thla thum a um sunghin two miles running race ah CO cash award vawihni a dawng thei nghal a. Sinthaw that leia Commandant-Director General chenin Cash Award vavi 60 le Commendation Card/Roll vavi 6 a dawng a nih.

Kum 26 a thawk sung hin training theihai chuh hmai der lova zo pein tuhin BSF a chawimawina insangtak President Police Medal for Meritorious Service (PPMMS) Award BSF-a sinthaw tlangmi'n ei la dawng ngai lo chuh tukum 2017 Republic Day kham pek dingin puonglang a nih.

BIO- DATA

Hming : Pu Mangtinchung Hmar

F/Name : (L) Sailienvung Hmar

Date of enrolment : 26.03.1982

Rank : Sub Inspector

AWARDS & DECORATIONS	Commanding Officer	Dy. Inspector General	Inspector General	Addl. Director General	Director General	Total
Cash Awards	14	24	18	03	03	60
Commendation Card/Roll	03	02			01	06
President Police Medal for Meritorious Services (PPMMS)						01

Fastest 2 miles running - 6 times, Fastest Climber Monkey Rope Comp. 22 times, Smartest of the Year -2 times and self Good maintenance 3 times.

Place of Posting :- Shillong

Home Address :- Khawmawi, Churachandpur, Manipur.

Tuhin Nuhmei fel takel Pi Lalhazo d/o (L) Upa Chalkailien Khawbung nein nauhai leh Shillongah an um a. Pastor R.Tanga Songate hnuoia sei lien, ei Pathien thuring bulpui khun taka inchuk hlak a ni lein sum a hmuai reng reng vawisun chen hin sawma pakhat indik taka pe hlak, Umpling, Shillong Presbyterian Kohranah Biek In enkawltu an nih nghe nghe.

Chawimawina insangtak President Police Medal for Meritorious Service (PPMMS) Award hih Director General BSF-in a remchang hmasatakah inhlanna nei a tih. Ei Lawmpui hle.

OPEN LETTER

To,
The Hon'ble M.L.A. 55/Tipaimuk ST/A.C

Pu, inzaumtak Dr. Chaltonlien Amo. Hun sawnawte liem ta a Tipaimukh (Ruong le Vaisuo) mipuihai ai aw dinga thlangting i ni hi ditsakna vochum kan hlan che a, hmating pei a thahnem ngai taka ei ram hmasawna din theitawp suo din ka ditsakna kan hlan che. Pu, hieng a hnuoia indawna ka hung siemhai hi, hi chanchinbu ngei hi hmanga mi hung dawn ngei dingin ka ngen tak meu che.

- Ka tarpu hai veng (Parvachawm) lam (i.e. National Highway No. 150, Lungthulien - Parvachawm Senvon fe thleng-in) ti hi, Parvachawm ramtieng khi culvert umlo tawlailir in tawlna ding chau a siem a ni? Sum iengzat am i seng tah a, ieng zam balance a la um a ti felfai takin mi hung hriet rawh. Nangin i tarpu hai i hmangai ang tho in ka tarpu hai hi ka hmangai ve a nih.
- Taithu a peng J.T. Road zawm ding lampui le leilak hi, ieng chen am i hmalakna? Sum iengzat am i seng tah a? iengzat am balance a la um? Iengtikam Hmarbiel mipui haiin Silchar kan zun lan ding? A chieng thei ang takin mi hung hriet fie rawh.
- Senvon Zophei lampui i siem hi ieng project/scheme hnuoia i siem am a na? hi lampui hi ni? Lungthulien to Van-bawng Mammasi Digest a i hriet le kham inzawmna a nei am? A project hmang hlak tarlang lo che. Mazu mei bul in a bul tawpa. Ieng project/scheme hnuoia i thaw am ana thudik tak mi hung hriet rawh.
- Kum 2009 kuma Senvon Zorum vengna Bitument (Alkatara) i hung sie kha khawtiem i phur hmang a? khawlam i hmang chientakin mi hung hriet rawh.
- Hmarram Kohran inzawmkhawm Pawl (H.K.I) in free and fair election nei dingin candidate haiin thutiem in nei a, chu thutiem pawisa lo a Vangaitlang mipuihaiin inthlang that chen ngena internet a an pek suok hi, ieng ang lawm inam i zu che a? Hmarram Kohran Inzawmkhawm Pawl in za naw ei Pathien mi hung hriet ngei ngei rawh.

Kei hi mimal takin i mi hriet naw a ni chun Senvon Congress Mahila haiin ram le hnam i hmangai zie motor hmanga an khekpi laia Swatch Bharat (clean India) campaign a practical a hmunhawnk in thiel a rawtu kha ka nih. Ka tawngbau ngein B.J.P chun corruption hi phit fai kan ta raw pei kan ti ka ti angin. Khieni a chunga zawna ka hung siemhai hi thudik taka karkhat sunga i mi dawn naw ani chun sorkar uisa thiem hai leh i hnung hung benin bawzui pei ka ti che.

Thina leia Ruong-le-vaisuo Biel hma a sawn ding chun kei a hmasa tak, ropuina le thuneina leia ram a fel ding chun nangni hmasa ro.

Ruong le Vaisuo mipuihai ta dinga i rawngbawl pui :-

Sd/- S. Lalnglawrlien Inbuon

Senvon, Manipur,

B.J.P. Social Worker

Mobile No. 7085332942

Street Light prog. hnuoia street lights 21 lakh inbun

NEW DELHI: Ministry of Power chun tuchena hin Street Light National Programme hnuoia India ram

pumpuiah LED street lights nuoi 21 chuong inbun a ni tah tiin a hriet. Street lights inbun a ni hnungin khawpui sunga lampui inthimna hai a sukar bakah mipui hai khawma him lema inggaina an nei a, motor khalu hai khawm nasa takin a thang-

pui a nih tiin power ministry chun a hriet.

Rajasthan a ringawt khawm LED street lights 1.4 lakh inbun a ni a, Andhra Pradesh-ah LED street Lights 5.86 lakh inbun a nitah. LED street lights hi a hlawpuiia lak a ni lein a man khawm wakt a ni khat peiah Rs. 135 a inthawk Rs. 80 a sukhnuoi a nih.

Tuolthattu 3 damsung intang dingin

MORIGAN: District and Session Judge, Morigan, Dhrupad Kashyap Das chun, October 19, 2012-a Bhupen Hira Thai

hmanga thattu mi pahni Niranjan le Jitra Hira hai chu rimsi taka damsung lungin intang dingin an chungthu a rel.

Kum 2025-ah TB sukbo vawng ding

NEW DELHI: Union Health Minister J.P. Nadda chun, kum 2030 chena India rama TB natna sukbo

hmak dingin target siem sienkhawm 2025 chena TB natna hi sukbo tumin sawrkarin hma a lak a nih tiin All India Radio programme "Countrywide" a interview nei huna a

hriet. TB sukbona ding hin sawrkar chun plans le programme hai thaw mek a ni a, mi pasie le rethei zuol hai khawma damdawi inenkawlna kawnga man tlawm lema an inenkawlna theina dingin generic medicines man khawm sukhnuoi a nih tiin Nadda chun a hriet bawk. (AIR)

ED in TC leaders 13 chungah case

KOLKATA: Enforcement Directorate chun Narada 'sting' money laundering case-ah Trinamool Congress (TMC) leaders 13 hai chungah case an registered. Case registered khum hai lai hin MPs le Ministers khawm an thang.

TMC leaders 13 hai hi Prevention of Money Laundering Act (PMLA) hnuoia CBI in FIR an file dungzuia case siem khum a ni a, hi case suizuina tan le thu indawna nei dinga ko vat an ni ta ding thu official thusuok chun a hriet.

Khawvela nuhmei rik tak an ram tieng enkawl dinga phur ta ding

MUMBAI: Khawvela nuhmei rik tak, Mumbaia damdawi inenkawlna dinga Chartered cargo plane hmanga hung phur Egypt mi Eman Ahmed chu an ram tieng inenkawlna ta dingin phur vat ni ta dinga hriet a nih.

Eman Ahmed hi September 23, 2016-a Mumbai, India rama hung phur a ni huna kham kg. 500 a rik a ni a, tuhin chu kg. 176.6 chaw rik a ni tah. Hi lei hin Chartered Cargo plane-a India ram hung phur kha an ram tieng a fe nawk huna chun business class passenger regular flight in a chungta ta thung ding a nih

tiin a enkawltu Dr Aparna Bhaskar, Section-Chief of Bariatric surgery, Saifee Hospital, Mumbai chun a hriet.

Ahmed hi VPS Healthcare group hnuoia Abu Dhabi-a Burjeel Hospital-a enkawl ning a tih. Tuta hma kham Ms Eman Ahmed unaunu Ms Selim chun a unaunu enkawl dan a tha tawk nawh tiin a sawisel bakah a enkawltu doctor khawm khelhip in a lo intum ta a, sienkhawm Saifee Hospital a doctor hai chun an tumna hi nasa takin an hriet a, a hriselna khawma a tha pei thu an hriet a nih. (TNN)

Hawala operator Naresh man

NEW DELHI: AIADMK (Ammam) faction leader TTV Dhinakaran in party symbol pek an ni theina dinga Election Commission tham a tum tia intumna le inzawm Dhinakaran in middleman-a a hmang Suresh Chandrasekhar kuoma dan loa pawisa transfer-naah inrawlna neia intumna lein hawala operator Naresh chu zanikhan Delhi Airport-ah Police han an man. Dhinakaran hi tuhin man le Police custody-a um mek a nih.

Delhi Crime Branch police han Assistant Commissioner Sanjay Sherawat

inrawlna Dhinakaran chengna in an dap huna a thangruolpui Mallikarjuna khawm an man ta bawk. Hi chungthu hi uluk takin an suizui mek a nih.

Hi case-a man hmasa tak Suresh Chandrasekhar kham AIADMK faction (Ammam) pawl han an party symbol an chang theina dingin Election Commission official hai Rs. 50 crore a thamma dinga a thangpui tia intum a ni a, Chandrasekhar kuta inthawk hin Rs. 1.30 crore dapdawk a ni a, Chandrasekhar kha April 16, 2017 nia Delhi-a Five-Star hotel-a man a nih.

India rama Corruption nasatna tak Karnataka

NEW DELHI: Centre for Media Studies NGO in India rama states 20 hai survey an thawnah Karnataka State chu India rama corruption hluorna tak, mipuiin thamma an pek nasatna tak niin an hmuuok. Survey report dungzui hin Karnataka

hi Andhra Pradesh, Tamil Nadu, Maharashtra, Jammu and Kashmir le Punjab han an dawt a nih.

Survey an thawna states 20 hai lai hin Himachal Pradesh, Kerala le Chhattisgarh hai chu corruption tlawm na tak an nih. (TNN)

Kupwara district-ah 144 Cr.PC puong

SRINAGAR: Zani hmasaa north Kashmir-a Kupwara district-a helpawl han Army camp an bei leia inkaptuona sipai le civil mi han thina an tuok le inzawm boruok sosang ding vengnain district administration chun section 144 CrPC a puong. Hi dungzui hin Kupwara, Kralpora, Trehgam le Lalpra Songam, Ghulam Mohammad Dar khawpui haia chun hmun pakhatat mi 5 neka tam umbum phal a ni nawh.

Tuchena hin chu nundan a la pangngai a, buoia le thil ditumlo tlung hreit a la ni nawh. Zani hmasaa protest nei hai hnawt-

darna dinga security forces han silai an kap puok leia civil mi pakhat Mohammad Yousuf Bhat in thina a tuok leia boruok sosang le buoia lien lem tlung ding laka in vengnaa 144 CrPC hi puong a nih. Protestors hai chun, helpawl han Panzgam hmuona army unit an bei huna helpawl 2 kapluuma um hai ruong pedawk dinga ngena protest hi an nei a nih.

Army camp helpawl han an bei huna kham Officer 1 thangin sipai 2 in thina an tuok a, sipai han beetnaa helpawl 2 an kap hlum a, pakhat kapliem a ni a, sienkhawm himin a tlanhmang hman a nih. (AIR)

Haryana DGP dingin BS Sandhu

CHANDIGARH: 1984 batch IPS Officer Mr Sandhu chu zanikhan Haryana Director General of Police (DGP) dinga ruot a nih. Sandhu hi Chairman and Managing Director, Haryana Police Housing

Corporation sin chel lai a nih.

1985 batch IPS Officer le DGP hlui K.P. Singh chu Director General, Prisons dinga sawn a ni a, hi leia DGP post ruok hluotu dinga Sandhu hi ruot a nih.

ALL INDIA RADIO: CHURACHANDPUR PROGRAMME		
Date: April 29, 2017 (Inrinni)		
TRANSMISSION- FM-101.4 Megahertz		
Hours	Studio/	Programme
4.53pm	CR/P	Signature
4.55pm		Vande Mataram, Time Reading, Opening Announcement & Mangal Dhwani
5.00pm	P	Hymns to God : (Thadou devotional) Nemsemhoitha Haokip
5.05pm	P	Local Announcement/Prog. Summary
5.10pm	P	Minor Dialect (Zou): Zamkholal & party (folk)
5.25pm	P	Science Hints: Thadou- Interrelation between forest and drinking water- Hoichullou
5.30pm	P	PAITE Prog. Sig. Tune & Announcement Announcer: Ngaizemhoith 1) Nehemia Male Voice 2) Employment news
6.00pm	P	HIMAR Prog., sig. Tune & Announcement Announcer: Nianggaihulun 1) Rengkat EFCI Male voice (dev) 2) Siemat ICI KTP (dev) 3) Employment News
7.00PM	P	THADOU Prog., sig. Tune & Announcement Announcer: Kaikhelim 1) Jeff Akai Haokip (dev) 2) Employment News
		Farm & Home: Thadou 1. Ngamlal Khongsai & party (mod) 2. Talk: Mihem hinkhuo manlut dan-by Henkosei Touthang

LAKTAWI

Maoist thina tuok
11 an tling tah

SUKMA: April 24, 2017 nia Chhattisgarh-a Sukma district-a Burkopal hmuna Maoist han Central Reserve Police Force (CRPF) hai an lambun huna inkaptuona tlungna hmuna khan Maoist thisa ruong pakhat hmu nawk a ni leiin tuchena kha inkaptuona Moist thina tuok chu 11 an tling tah. Inlambunnaa khan CRPF personnel 25 zetin thina an tuok bakah CRPF personnel 5 in hliemna an tuok a nih. (ANI)

Chakma le Hajong
hai ST pek thei
ninaw nihai: Rijju

ITANAGAR: Union Minister Kiren Rijju chun, Chakma le Hajong communities hai chu Arunachal Pradesh-ah Scheduled Tribe (ST) status pek thei ninaw nihai tiin a hril. Chakma le Hajong issue hi a sensitive leiin Arunachal Pradesh a chun ST status hi pek thei an ni nawh. Hi thua hin Supreme Court a khawm Affidavit ka filed tah a nih tiin Mr Rijju chun a hril. (PTI)

Swaraj in Cyprus
President an hmpui

NEW DELHI: External Affairs Minister Ms Sushma Swaraj chun ni 5 sung cham dinga India rama hung inzin Cyprus President Nicos Anastasiades chu zanikhan inhmupuiin ram pahni hai thawtlangna ding chungthu hai an hrihtlang.

Cyprus Presiden hin zanikhan Prime Minister Narendra Modi khawm an hmpui. Nicos Anastasiades hi zanikhan Rashtrapati Bhavan, New Delhi hmuna official taka lawmlutna (ceremonial welcome) nei a ni a. Mahatma Gandhi inzana a pek. (PTI)

SA-a zawr India nuh-
mei sansuok

NEW DELHI: Hyderabad mi Saudi Arabia rama zawr le suknaawmna tuok Salma Begum chu thuneitu han an sansuok ta nin external Affairs Minister Sushma Swaraj chun zani hmasa kha a hril. Salma Begum hi zanikhan flight G9406 in Mumbai a hungtlang tah.

Salma (39) hi Agents pahni Akram le Shavi han tukum January thlaa kha mi ina inhlawfa sin thaw dinga Saudi Arabia-a housemaid visa-a an tir a ni a, sienkhawm harsatna a tuok leia external affairs ministry an thun hnunga ministry hmalaknaa sansuoka um a nih.

CBI in TC MPs 2
chungah chargesheet

NEW DELHI: Rs. 17,000 crore Rose Valley chit fund scam thuoq CBI chun zanikhan Trinamool Congress MPs pahni Sudip Bandyopadhyay le Tapas paul hai chungah chargesheet an file. Chargesheet hi Bhubaneswar-a special CBI designated Court-a file a nih. Hieng MP pahni hai hi CBI in an man hnungin tuhun Bhubaneswar Jail-ah an intang mek a nih.

India le Cyprus han
Agreements 4 an ziek



NEW DELHI: India rama hung inzin Cyprus President Nicos Anastasiades le Prime Minister Narendra Modi hai chun zanikhan Hyderabad House, New Delhi hmuna delegation-level talks an nei a. Air-berikna an nei zo hin Air Services, Agriculture, Merchant Shipping le Culture Education tiengpang haia thangruol dingin Memorandum of Understanding (MoU) 4 an ziek.

Cyprus President Mr Anastasiades hi zani zingkar khan Rashtrapati

Bhavan-ah official taka lawmlutna (ceremonial reception) nei a ni a, hi huna hin President Pranab Mukherjee le Prime Minister Narendra Modi han Mr Anastasiades hi an lo lawmlut a, hi zo hin Mr Anastasiades chun Raj Ghat hmuna Mahatma Gandhi thlanah par inhlanna a nei.

Mr Anastasiades hi India rama ni 5 sung cham dinga zani hmasa zana kha New Delhi hungtlang a ni a, zanikhan President Pranab Mukherjee khawm an hmpui. (AIR)

JEE Main exam-ah 100% a hmu



UDAIPUR: JEE Mains 2017 exam result chu zani hmasa kha CBSE in a puong a, Mr Kalpit Veerwal chun full marks 360-ah marks a hmu. Kalpit Veerwal hi India rama Joint Entrance Examination (JEE) Main a marks 100% hmu hmasa tak a la nih.

JEE Main exam hi India rama IITs le Engineering Colleges tum tuma inchud ding thlangsuokna dinga Central Board of Secondary Education (CBSE) in a huoihawt a nih.

Mr Kalpit chun, mi tam takin Kota annavleh Hyderabad haia coaching la dingin thuraw an mi pek a, sienkhawm ka lekha inchukna harsatna siem belse ka nuomnaw leiin Udaipur a inthawk school kai pumin coaching ka lak a. First ni thei ding chun kan beisei hrim a, sienkhawm magic figure (marks 100 ah 100) 360 hmu ding chun inringna ka nei nawh tiin Kalpit chun a hril. School le coaching

class haia hun ka hmang bakah lekha tiemna in nitin darkar 6 hun ka hmang hlak tiin a a hril.

Kalpit pa Pushpendra Veerwal hi MB Govt. Hospital-a nurse a ni a, a nu Pushpa chu government school teacher a nih.

Mr Kalpit hi MDS Senior Secondary School-a kai niin tukum sung class vawikhat khawm laklo/thanglo ni a la nei nawh.

Kalpit hi lekha tieng chau ni loin sports le music tiengpang khawm an hnik a, nikum-a Niti Aayog huoihawt-na National-level Atal Tinkering Labs competition-a khawm an school aiawin a lo thang ta bakah Class IX a ni lai Indian Junior Science Olympiad -ah a top ta bakah Class X-a National Talent Search Examination a khawm top a lo ni ta a nih tiin a kaina MDS School director Shailendra Somani chun a hril.

Mr Kalpit hin IIT Bombay-ah Computer Science inchuk a tum. (TNN)

GOVERNMENT OF MANIPUR
OFFICE OF THE DEPUTY COMMISSIONER: CHURACHAN-
DPUR DISTRICT

ORDERS

Churachandpur, the 28th April, 2017

No.1 DC (CCP)/DLO-Matters/2017: As decided in the meeting of the District Level Selection and Appointment Committee for FPS Agents held on 18-04-2017 and as per Order No. 11/1/90-FCS/Pt. II dated 14-12-2012 of the Commissioner (CAF&PD), Govt. of Manipur, Village Authorities/Gram Panchayats are hereby appointed as FPS Agents for the financial year 2017-2018 except for the month of April, 2017. FPS Agents for the financial year 2016-2017 shall distribute PDS rice for the month of April, 2017. This is to ensure the smooth distribution of PDS items under National Food Security Act to beneficiaries.

Further, Village Authority/Gram Panchayat which is not in a position to take up the responsibility may recommend a suitable person for appointment as PDS Agent selected by a simple majority of the Village Authority/Gram Panchayat concerned. Minutes of the proceedings for selection of PDS Agent by Village Authority/Gram Panchayat, signed by its Chairman and Secretary, shall be attached along with the recommendation letter.

(R. Sudhan)

Deputy Commissioner,
Churachandpur.

Nagpur-ah May thlaa inthawk E-taxi trial run

BAGHPAT: May 24, 2017 a inthawk khin Napur hmuna India rama a hmasa takna le ensina dingin electric taxi hmasa tak tlangzar ning a tih tiin Union Transport Minister Nitin Gadkari chun zanikhan a hril.

Mr Gadkari hi Eastern Peripheral Express enfel dinga zanita Nagpur hmuna inzin a ni a, e-taxi trial run project-a ding hin Mahindra and Mahindra chun taxis 200 peng an ta, a project hi Nagpur Municipal Corporation hnuoia thaw ding a ni a, hiengang project hi India rama dingin a hmasa tak ding a nih.

Project hi tuta neka inhmaa tan tum a ni a, sienkhawm charging station indinna thuh harsatna a um met leiin nuom huna tan thei lova um a nih tiin Nitin Gadkari chun a hril.

Electric Car Taxi hi NDA sawrkar project pakhat laia mi a nih. Road ministry chun pollution suktlawm dan ding kum 1 liemtaa inthawk kha a lo ngaituo ta a. Parliament MP hai chuongna ding electric



bus khawm ministry in a enkawl mek a nih tiin a hril bawk.

Expressway hin Sonipat, Baghat, Bhaziabad, Gautam Budh Nagar, Faridabad le Palwal, Haryana le Uttar Pradesh hai a huom a nih.

Eastern peripheral highway hi a bul t anna chau a ni a, sawrkar chun India ram sung state tum tum haiah hiengang expressway 12 bek siem a tum a, hi laia pathum hai chu tukum 2017 sung hin tan ning a tih tiin Mr Nitin Gadkari chun zanikhan a puong. (IANS)

Sawrkarin AJS thlawp dingin political parties hai a ngen

NEW DELHI: Centre-a BJP inrawinaa NDA sawrkar chun All-India Judicial Service (AJS) indin a tumna le inzawmin hma nasa takin a lak a, sienkhawm Rajya Sabha-ah member a hau tawknaw leiin political parties hai chu AJS indin a ni ngei theina dinga thlawp dingin nasa takin a hril mawi. Hi thil hin federal governance nasa takin a thangpui ding a nih tiin a hril.

Centre in AJS indin a tumna hi Rajya Sabha

chau ni loin high courts thenkhat chun lower courts haia judges lakna AJS in a huoihawt ding chu an dodal a nih.

AJS hi kum 1960 daia kha indin tuma lo um ta ni a, sienkhawm states le judiciary hai kara ngaidan le didan inkal leiin tuchena indin thei lova la um a nih.

AJS chungthu hi March 30-a consultative meeting huna Law Minister Ravi Shankar Prasad in a putlut bakah AJS chungthua an ngaidan pelut dingin members hai

ziekin an hrietir a nih. Consultative Committee on Law and Justice a hin members 9 an um a, Lok Sabha le Rajya Sabha members hai an t hang ve ve a nih.

Mr Ravi Shankar chun, AJS indin hin federal governance nasa takin a sukhrat ding bakah India rama talent thalem nei hai a chosuk ding thu le India rama culture le linguistic background dang dang le inanglo tak tak hai services-ah an hung lut thei pha ding thu a hril. (PTI)

North Korea Le US Inkhak Buoil Thei Zing: Trump



WASHINGTON: US President Donald Trump chun, North Korea nuclear program leiin iengtiklai khawm inkhak buoiin "buoina lientak" suok thei zing a ni thu a hril. China khawmin, Korean Peninsula laia thil umdan chu sosang that thei or thunun thei lo buoina thung that thei zing ngirhmuna um a nih tiin a hril bawk.

Reuters kuoma a hril dan chun, sipai le tharum hmangna hnawl thei an naw zing laiin, economic sanction (inrekna) hmanga thua hadam taka sukel a nuom thu a hril. Oval Office a interview-a chun, "Diplomatic taka thil sukel kan nuoma chu a harsa hle a. North Korea le hin inkhak buoiin buoina lientak suok thei zingin a um a nih" tiin, khawvel ta dinga tiuntak chu North Korea niin a hril.

Ningani khan United Nations ah Chinese Foreign Minister Wang Yi chun, Russia palai le meeting ah, Korean Peninsula boruok chu sosang peiin thunun thei tah lo thila an chang inlau a um thu a hril a. North Korea-in UN Security Council thu inza lova nuclear ralthuom a la siem zawm pei leia inhawi

a tin aw thu a hril bawk.

China chun North Korea chu a nuclear ralthuom program chawlsan dinga ngenin, a zawm naw chun UN thurel anga hma la dinga a hril hnungin February khaan a sum hmuna pakhat, China'n a lungmeihawl (coal) inchawk-lut (import) a kharpek a. Thu a la zawm naw peia mi a lan thi zawm pei chun thautui an chawktir hlak khawm a suktawp pek ding niin a hril.

Trump chun, China-in hi neka nasa lema North Korea la rek a beisei thu a hril a. President Xi Jinping chu "mi tha tak" a na, nasatakin hma a lak zing thu khawm a hril a. "Thil thatak thaw a nuom ka ring a, a la thei nawm chau ning a tih. A thei chun iemani tak chu thaw nuom a tih" tiin a hril.

Secretary of State Rex Tillerson khawmin, China-in North Korea chu nuclear ralthuom siem ta lo dingin a hril niin a hril ve. Fox News kuomah, "China chun North Korea a zil a, a thu a awi naw chun an pahni kârah economic sanction a sukkhau ding thu a hrilpek" tiin a hril a. Beijing a inthawka confirm-na ruok chu a la um naw bawk.

President Trump chun North Korea-in meithallawn (ballistic missile) hmanga America kap ding dang a tum that a nih. North Korea hin nuclear ralthuom wavi nga a ensin tah a, missile test wavi tamtak a nei tah bawk, a nuhnungtak chu tuta thla April 16 khaan a nih. US chun kha hmaa rambung 5 inbiakna ang khaan North Korea chu inbiaknaa thang dingin hma a lak zing bawk.

America sukse vavng tum North Korea chun, "Trump hi a fimkhur naw a tak chang lo ding thawdanhai a hmang vel mei mei a nih. DPRK-in socialist power a siemna dinga a ringna le tumna chu tukhwma an sukhning ruollo khawpa det-in-do a nih a. Tu khawm dang hne naw nih" tiin North Korea Communist National Army official pakhat thuhiril Rodong Sinmun chun a zieklang.

North Korea President Kim Jong-Un lungril a fim a ring le ring naw thu indawna chu, "Kim Jong-Un hin naupang tein an ram ro a rel tan a. A lungrila fim le fim naw thua chu ngaidan ka nei bek nawh, a fim ka beisei" tiin a hril.

Lungril fim ve vea inhril, mi haiin lungrila fim lo lungril sahal le inrawm, awng rum le khauih, mirorum le hrorang na pawisak inhrawla an hriethai ve vein khawvela nuclear ralthuomhai chungathuneina an hei nei a nih a. Thilthawtheina an nei zie suklang inhawk ve ve hai pahni kara hin iem a hung tlung pei ding hunin la hril a tih.

J&K Development package a dingin Rs. 19,000 crores released

NEW DELHI: Prime Minister Narendra Modi in Jammu and Kashmir development package Rs. 80,000 crores pek dinga a puong hai laia Rs. 19,000 crores chu sawrkar thlungpuiin a released ta thu Home Minister Rajnath Singh in zani hmasaa high-level inter-ministerial meeting ama inrawinaa nei huna a puonglang. Hi le inzawm hin sin thaw mek a ni thu

a hril bawk. Hi meeting a hin Central ministries le department tum tum official hai bakah state sawrkar hnuoia officials hai an thang tawl.


Jammu and Kashmir kuoma developmental package Rs. 80,000 pek ding thu hi November, 2015 a kha Prime Minister in a lo puong ta a ni a, hi laia Rs. 19,000 chu centre in state sawrkar kuomah a pekdwak

NASA-in Saturn Lim Nal Tak Tak Pholang

CAPE CANAVERAL: Pathien thilsiem, thla le arasi, nisa le leilung (Planet) hai inlaichinna mawi zie dam, ni heltu leilung (Planet) hai nize le mawizie piengzie hai hi Pathienin mihriemhai hmu dingin thienna le varna khawm a mi pek pei ti sukhiegtu dingin khawvela van tieng chanchin suitu ropuitak le thientak NASA (National Aeronautic and Space Administration), USA chun ni heltu pakhat Saturn lim nal tak tak, a thar, ni danga la hmu ngai lo a pholang.

Hi thalâk hi Ningani-a NASA vanboruoklawng (spacecraft) Cassini-in khawvel tienga a hung thawn an nih. Cassini hin kum 13 Saturn khi a hel taa chu tuta anga thlalâk (a lim) fie le nal, a sungril thlalâk a la hung thawn ngai nawh. A thlalâk chu Saturn-a thlipui hrang le sumhai, sik le sa umdan hai a nih.

Cassini hi Saturn Ring (an huoltu rinkuol) sungril tak a lut mek tah a, atmosphere a lut tep tah.



thar suot nawkin a vuong lut pei a, ngaituona le tumna ei nei phawt chun ei la hmu ngai lo ram le thilhai ei hmu pei thei ti fiena dingin ram thar le thil tharhai a min hmatur pei ding a nih" tiin a hril.

Saturn hin thlapa 62 a nei a, Nisa a inthawka Planet parukna, a lientak dawt a nih. Khawvel nekina a let kuo velin a lien a, a sungril takah nickel-hydrogen, a chungah hydrogen le helium, gas hlumpui a nih. An huoltu Ring pakuo a nei a, pathum Ring tling lo deua huoltu a nei bawk a. Ring hai hi vur le van lung chi hran hran an nih. Hi Rings hai le

PIGROW Tablet

VAWK INTHANGNA DAMDAWI

I vawk zawr hun tlingna dingin kum khat nek tam nghak ngai tanaw nih.



A THATNA:

- * PIGROW mum hi Company-hai ti dan ang taka i pek chun thla 5 sungin kg. 70 chuongkai hman a tih.
- * PIGROW mum hin, i vawk chu i pek tana inthawk chawl der loin an thang tir thei.

A PEK DAN DING:

- * Vawk pakhatnikhatah mum 20 (zingtieng mum 10 le zantieng mum 10) pek ding.
- * Box khat ah mum 600 a um a, chu chu thlakhat sunga a fakzo ding a nih.
- * Rawt phita pek in fak awlsam an ti lem.

Rs. 350/- per Box

INCHAWK THEINAHAI:

- 1. Hmingi Bethel, CCPur # 8414852391
- 2. L.K. Screen Printing Lighthouse Lane, CCPur
- 3. Pet Care Centre, Tiddim Rd. CCPur.

Order tam dan dungziin HOME DELIVERY khawm kan thaw thei.

LAWMTHU HIRILNA

Hun iemanichena inthawk ta khaan Pile natna ka nei a. Sawt tak tak inhnawmna hun ka hmang a, a chang changin thisen a suok a, ka tawl a hung lienin a hung puom a, ka kawng a hung na a, Gastric a hung um a, ka phing a hung inri rak rak a, ka taksa a hugn chauin ka hung cher deu deu a. Ka beidawngin MV Azad Phusam ka pan a, hun iemanichena a mi enkawl a, tuhun chu ka dam fel tah. Hi lei hin ka lawm hle a, hi chanchinbu hmang hin ka lawmthu MV Azad Phusam chungna ka hung hril a nih. MV Azad Phusam hi nitin 8AM-4PM inkar sungrin Tiddim Road, Old Bazar, Near Lamka ICI Church Road-ah pan thei le Mobile Phone Nos. 8014025567/ 7628890261 haiah biekrwn thei a nih.

Lawmthu hrihtu,
Sd/-Rabicca
New Lamka

Afghan Taliban han
'spring offensive' an
tan ding thu

KABUL: Afghan Taliban chun 'spring offensive' an tan ding thu zanikhan an puong a, Afghanistan ram sunga ramdang sipai (foreign forces) hai an bei bik tak ding thu an hril bawk. An thil tum tak chu foreign sipai, infrastructure le intelligence hai suksiet le tuolsungna an mercenaries hai suksiet a nih tiin Afghan Taliban thushuok chun a hril. Thichuoli bomb hmanga hmun tum tum beina khawm an la

thaw zuol pei ding thu an hril bawk.

Kar hmasa lai khaan Taliban pawl han military hmupui an beinaah sipai lak thar mi 135 lai zetin thina an tuok a, kha thil kha Taliban han military hmupui an bei leia mi thi tamna tak la nia hriet a ni nghe nghe. Kha thil lungna khaan military sunghang Pakistan Taliban hai thangpuitu an um ringhla a ni leiin sipai 35 zet man an ni nghe nghe a nih. (AFP)

vel siemnaa hmang dinga ti a nih.

Hi baka hin power, new and renewable energy a dingin Rs. 11,708 crore sawrkar chun a pek ding bakah health facilities sukchangkangna le hospital le PHC bawlna dingin Rs. 4,900 crore pek dinga ti an ni bawk a nih. Hi thila ding hin AIMS ang Institution pahni indinna ding a thangsa. (PTI)

hin iem a um a tihai hriet an inbeisei a nih.

Cassini hin Ring sunga a lut hmasatak tumin Saturn chung sum haia inthawka Km 3000 le a Ring sungril tak chung Km.300 chauah a um a. Tuhin a sungril tak Ring a lut mek tah a, Thawlenni khin a tum hnina dingin bir nawk a ta. September 15 khin a tawpnatak dingin bir lut nawk a ta, Saturn sângan an tetdar vawng ding a nih.

Cassini indar sie vawng dinga an siemna san chu, a vuong zing chun Saturn a thlapa tamtak an suizui mek, tui pai dinga an ringhai a an inchawk buoi an inlau lei a nih. July 2004 a inthawka kha vuong tah a nih a. A pan ram tawpnatak (final destination) hi a thung hman di'm ti chu scientist hai lungril suksawtu a nih. Mihriem thienna le varna khawm hi an sang tah hle ei tia chu limit a la nei pei a. Pathien thilsiemhai po po hriet kinna ding lem chun hi hringnun hun le mihriem hrietna ringawt hin chu a dai naw hrim hrim a nih.

Job Card holder hai kuomah Job Card bu

CCPUR: Zani 7:30AM khan Tuibong Community Hall, Tuibong-ah Tuibong Block hnuoia Tuibong B sunga Job Card Holder hai kuomah Job Card bu pekdawkna nei a ni a, hi huna hin Doujapao Haokip, MCS, SDO, Tuibong le Thangkhoem Haokip, SO, SDO Office, Tuibong Job Card fedan le sinthaw dan ding hai hrilhrieta na nei.

James Doujapao chun Job Card hi sawrkarin a ngaipawimaw lein dan thar

tum tum a siem a, Job Card neitu le mawphurto Lal le VA han sawrkar thupek inza taka an suipuitling a t ul tiin a hril. Job Card fethlenga sin thaw hai enfelna tuta Thawtanni a intahwka nei ding ti nisienkhawm Lal/VA thenkhatin Job Card bu an kawl lein DC, CCPur R.Sudhan in April 26, 2017 chena a neitu hai uta pedawking thupek an suo dungzuin April 27, 2017 khan DC inrawinain khuo pahni a Job Card le

Ration Card hai enfelna nei tan thei chawm a ni thu a hril.

Thangkhoem chun, Job Card neituin Bank Account number le Aadhar Card Xerox copy, Lal/VA hai kuoma a peklut a t ul thu, Aadhar neilo han Identity proof copy khat le Account number peklut ding a ni thu le a dang dang hai a hril. Lottery system hmangin Job Card le ration card hai enfelna fepui pei a ni ding thu a hril.

Vin Diesel-in BLMA ah Hla A Sak Ve

MIAMI: Latin tlangval, Hollywood ah inchawm lutin, South America Drugs lord hai khawvelah hrawmhraw le sek deuh, drugs lord ang tak a ruka police ni zing, action film "XXX" lem changa hlawtling nghala hlawtling tung pei Vin Diesel chun acting chaw a lo thiem nawa, lam le hlasak khawm a lo thiem ve hle ti a suklang.



Tu kum Billboard Latin Music Award 2017 final Watson Center, Miami, Florida ah Latin singer inlar Nicky Jam leh hla an sak a. Hlasakthiem naranhai hla sak nekinn mipuiin an ngai nuom ti dingin a um, Film star hla sak a ni lei ring a um. Hla a sak zo chun mipuiin ngira inzana (standing ovation) an pek a nih.

A ruolpa Nicky Jam chun Latin hl anal tak a sak baww a. Fiemthu thutakin, "Vin Diesel in hla a sak tah chun, kei khawm Vin Diesel leh film siem ve tang ka tih" a tih a, mipui an lawm hle. Vin Diesel (49) le Nicky (39) hin Vin Diesel film thar

tak, India nunghak Deepika Pandukone le an chang "xXx: Return of Xander Cage" ah an chang kawp a nih.

Nicky chun, "Hla sak ve rawh ka ti hlaka. 'Actor ka na hlasak ka thiem nawh' a mi ti a. 'Kei khawm hlasaku ka na acting ka thaw tho anawm' ka ti khawma a nuom ngai nawh a. Tuhin a hei saka a lo thiem hle" tiin kum 16 "Fast and Furious" film series a Dominic Toretto lem hlawtling taka chang tah a ruolpa Vin Diesel thu a hril.

"Vin hi an vet a nih. An vet ka ti chun a thanaw zawng ni lovin; a tha zawng invet a nih. Latino khawm ni lovin Latinos (nunghakhai)

Boyzone Member Ronan Keating Nau Palina Nei

LONDON: English Hlasakthiem band *Boyzone* member Ronan Keating chun an naute palina dingin naupasal hmel lawmum takel an nei thu Instagram ah a puong. A nuhmei Storm (35) in naute a pawm lai lim tarlangin, "Incredibly excited to announce the arrival" tiin an naute nei thu a puong a.



Saphai thaw danin, pa a nina leh an nu zara a lawmzie hrilin a nuhmei an pak baww a, "Feeling very blessed to be daddy to this little man and the luckiest man in the world to be husband to such a strong, loving and warm-hearted woman and add to my beautiful family #KeatingClan" tiin.

Ronan Keating (40) le Storm (35) hai hi kum hni liemta khan Scotland ah ropuitakin an innei a, Ed Sheeran-in a perform baww. Hi naute hi Storm le an naututir a nia, hi hma hin Ronan hin Tvonnee Connolly leh nau dang pathum, Jack (18), Missy (16) le Ali (11) hai a lo nei tah. Connolly le

hin kum 12 an innei hnungin 2010 khan an inthe a, thla nga hnungah Storm leh an innei nawk a nih.

Ronan hin an nu Storm hi a duot em em a, artui dawmin a dawn niin Australia radio a hril. "Kan nu hi a tlin em em a, nu a ni ding hi ka phur tah hle a nih" tiin a hril. Storm khawm a nau pai laia inthawkin a fans hai iengkim a share a, thlalak leh, London boruok lum taka bikini le a hadam lai le hospital-a an enkawl lai hai chenin a suklang a. An pa Ronan-in naute a lawm lai a suklang baww.

INA sipai tupa inhmag Bhubaneswar-ah hmu

BHUBANESWAR: Indian National Congress (INA) veteran Laxmi Indira Panda tupa, a umna chin hriet lova inhmag Babuli (19) chu zani hmasa khan Bhubaneswar-a lampui sirah khawhre lova hmu a ni a. Private hospital panpui a ni hnungin Cuttack-a SCB Medical College Hospital panpui nawk a nih.

Police Commissioner YB Khurania

chun, an hmang dan le an hmang nasan an suizui mek thu a hril.

Babuli hi April 16 nia PM Narendra Modi in freedom fighters sungkuo haia chawimawina huna thang ding a nu le pa hai le Raj Bhavan-a fe an ni a, Koraput district-a Jeyapore-a an In tieng pana an fe huna Bhubaneswar station-a a nu le pa hai le inthe, chu taka inthawka inhmag a nih. (PTI)

THAAD Man \$ 1 Billion US-in S. Korea A Phut

SEOUL: US chun North Korea meithallawnhai kap thlakna dinga South Korea-a THAAD inthut man dingin USD 1 billion a phut lein Korean Peninsula buoina fe meka US le South Korea kar thu boruok a sukdanglam met ding niin an lang. President Trump chun, "South Korea ka hril tah a, aman an pek thang a tih. An ta dingin a tangkai an nawm, missile hai lo kap thlak hmak hmak theina chu" tiin Reuters a hril.

Trump chun a hmaa Democratic sawrkar hnuoia Secretary of State, November 2016 election-a a khingpui Hillary Clinton thaw suol niin a hril. President Obama sawrkar khan US-Korean Trade Deal KORUS an lo ziek a. Chu dungzui chun, South Korea-in a ram inthutna ding tum a ta, US-in a ralthuom (THAAD) le enkawm tum a tih, ti a nih.

Hi Inremna hi kum nga sung dai ding a nih a. US Congress-in 2011-a an approve Agreement kha Hillary Clinton promoted a nih a. Trump chun Hillary an tum a nih. "Pawm thei an nawh. Clinton-in thil lientak a thaw suol a nih" tiin. Inremna thu chu ennawn annawleh sukbo a ni ding thu a hril a. Iengtkam a sukbo ding ti thuah, "Sawtnawte ah, tuhni ka puong nghal ding a nih" tiin a dawn.

March 2012-a hmang a nia inthawkin US-South Korea trade deficit chu a hung double a. Kum 2011-a deficit USD 13.2 billion kha 2016 ah chu USD 27.7 billion a hung ni tah. Trump chun, "Inremna tha lo tak (terrible deal) a nih" tiin a hril. Lockheed Martin company siem THAAD hi aman chu USD 1.2 billion a nih a. Trump chun Billion khat bek an pek chu a awm a nih, a ti a nih.

South Korea chun Trump thuhiril hi a sel a. Defense ministry thusuok chun, "Inremna a la danglam nawh a. Status of Forces Agreement dungzui chun, South Korea-in a ram a tum tah a, US-in ralthuom le enkawl na, ti a nih" tiin a hril. South Korean Presidential election um dinga hrar ring le beisei Moon Jae-in a foreign policy adviser pakhat chun, "Trump thuhiril hi thil theilo ning a tih. Asan chu US army han an enkawl a ngai tlat" tiin a hril.

US chun March thla a inthawk khan THAAD hi South Korea ah a sie lut tan tah a, China chun a theida hle thung a nih. North Korea missile hai dangna ding ti a ni lai zingin China ramri khawm a hnai lein radar hrat tak takhai hin China military sinthawna tamtak a chawkuoboi phak ding a ni lein an ram venghimna kawngah a chawkuoboi ding a nih, ti a nih.

THAAD hi Golf inkhelna zawl ah inthe hut an nih a. A ram mipuihai an thlabar em em lein nasatakin an dodal zing baww a. THAAD lei hin North Korea khawm a lungsen a, a hung kap tak tak an ring lein an dit naw le a nih. Thil um lo khawm boruok sosang le lum taluoa inthawka um thei a ni lein ieng thil am a hung tung pei ding hunin la hril a tih.

Hieng lai zing hin Radar Online ruok chun, Janet hin mi po po a kawla um lo dingin a hnawtsuok vawng a, thla khat-hni lai chu ama khat chauvin a um tah niin a hril a. London ah makhat baka a um chu a sung han an ngaimaw hle niin a ziek a. A tunu Paris Jackson chenin a naute dawn a tul khawma dawnpek intiema umpui khawm a nuom niin a hril.

An kar thu buoina a um naw chu an sinthawna le fakzawngna le inzawmin an buoi ve ve lein a tha lem beiseia inthe tum an nih a. Insung an ngaipawimaw zing laiin fakzawngna sinthaw nei ve ve an nih baww a. Ni kum khawm khan Janet chun an insung tha taka enkawl a nuom lein concert 75 neina ding "Unbreakable World Tour" a thul a nih.

Janet Jackson le Wissam-in Nau Enkawl Tawm

LONDON: African-American thla dum ta lo, Michael Jackson unauu Janet Jackson (50) le a pasal, Qatar sumdawngtu hausa Wissam Al mana (42) hai chu inthe dinga an tina inthawkin thla khat a chuong taa chu "inremnawna bek bek le inhmuthiem-nawna taluo" an nei nawh a. An um kawp tah nawa chu an naupa ruok chu enkawl inthe awm dingin thutlukna siem inrem takin an um niin an insung chanchin hretu pakhat chun People magazine a hril.

"Janet-in Wissam a ringzo a, Wissam khawmin Janet a ring baww a. Inlaichinna t ha tak an nei a nih. An kara in suolna amani inselna a um ngai nawh" tiin a hril. Kha hma met khawm khan Wissam hin Twitter ah an nu chu khawvella nu hmel thatak a ni thu a puong a. A nuhmei le a ruolnu a ni lein lawmthu a hril a, chatuon rama inhmua nawk a beisei thu a hril baww.



Janet le Wissam hi Muslim sakhua dana innei an nih a. An inneina inthawka pawisa sumfai a hmu theina ding Page Six ziek dan chun, an kar thu sukfelna dingin, makman USD 200 million a dawng el thei. Kum nga an innei ting tah lein million 100, nau pakhat an nei lein nau neimannah million 100, Muslim danin a dawng ding a phal a nih, tiin a ziek.

The Sun hril dan chun, Janet hin, October thlaa North America-a nei ding "State Of The World Tour" a dingin nipuia inthawkin rehearsal a tan ding niin a hril. A pasalin ina uma nau le ama enkawl dinga a dit laiin Janet ruok chun a hlasakna career le fans hai a ngai pawimaw lein sunzawm a nuom a. An nuomdan le ngaidan an kal lein inthe an raawat a ni a, nau ruok chu enkawl inthe awm an tum a nih.

Janet hin mi po po a kawla um lo dingin a hnawtsuok vawng a, thla khat-hni lai chu ama khat chauvin a um tah niin a hril a. London ah makhat baka a um chu a sung han an ngaimaw hle niin a ziek a. A tunu Paris Jackson chenin a naute dawn a tul khawma dawnpek intiema umpui khawm a nuom niin a hril.

An kar thu buoina a um naw chu an sinthawna le fakzawngna le inzawmin an buoi ve ve lein a tha lem beiseia inthe tum an nih a. Insung an ngaipawimaw zing laiin fakzawngna sinthaw nei ve ve an nih baww a. Ni kum khawm khan Janet chun an insung tha taka enkawl a nuom lein concert 75 neina ding "Unbreakable World Tour" a thul a nih.

SPANISH PREMIER LEAGUE: Alaves le Eibar an inhnetawk zan Sevilla le Athletic Bilbao an hrat

Spanish Premier League, Ningani zan inkheloh Alaves chun Eibar an lo mikhuol a, a tu tieng tieng khawm goal thun thei bik um lovin 0-0 in an inhnetawk. Hi le inzawm hin an pahni hin an dinhmun pangngai an la hluo zing a, Eibar hai parietna niin Alaves ruok chu a lailungah sawmna an ni mek ve thung.



Inkhel dangah Sevilla chun Celta Vigo an mikhuol ve a, 2-1 in an lo hne. Sevilla ta dingin Joakin Correa (49') le Wissam Ben Yedder (79') hainin goal khat ve ve an thun a. Celta Vigo ta dingin Iagoa Aspas chun goal khat (Penalty 53') a thun baww. Minute 56 naah Celta Vigo tieng Pablo Hernandez chun Red Card a hmu a, hun iemani chun chu a tlawm lem an inkhel a nih. Hi an tlawm lem hi an thawhla ti thei dingin Sevilla tieng chun minute 79 naah goal khat

an thun pha nghe nghe a nih. Sevilla hi tuhni inkhel vawi 34-ah point 68 neinin Atletico Madrid leh an inang char a, Atletico hi goal difference an insang lem lein pathumnaa umin Sevilla palinaah an um ve thung. Celta Vigo ruok chu 11-na an ni mek baww. Sevilla Coach Sampaoli chun, "Game khir tak kan inkhel a, hnena kan chang hram hram lein lawmum ka tih hle," tiin an inkhel chung-gchang a hril.

Athletic Bilbao chun Real Betis an mikhuol nawk a, anni khawm hin

ENGLISH PREMIER LEAGUE: Manchester Derby-ah goal thun bik um lovin United le City an inhnetawk

Ningani zan khan English Premier League inkhel pakhat a um a. Manchester Club ve ve Manchester City le Manchester United hai chu Etihad Stadium-ah an inhmatawn a, goal thun bik um lovin 0-0 in an inangtawk. Muolneitu Manchester City hin inkhel an thunun lem met a chu goal an thun thei bik nawh. Hun tawp hma inuete 84 naah United player Marouane Fellaini chun Red Card a hmu a, chu chu hmang tangkai tumin City chun an naw rak a, City Coach Pep Guardiola chun a hmatawng tieng sukhratna dingin Gabriel Jesus a hung tirlu a. Ama hi February



thlaa inthawka hliemna leia inlang thei lo a nih a, a hung lut hnung iemani chun hnungin goalah ball a head lu a. Anachu offfside a ni lein pawm a ni nawh.

Minute 80 naah City goall vengtu Bravo chu hliem lein an zawn daww a, ama aini Willy Cabellero

14TH STATE LEVEL HMAR MARTYRS' TROPHY: Neihsiel Veng Youth Club hrat niin Michael Baite chun hattrick a siem; Knockout kai sa ve ve FC Ridil le thenmuol an inkhel baww

State Level Hmar Martyrs' Trophy a vawi 14-na inkhel fe mekah zani khan Pool D-a mi Neihsiel Veng Youth Club(NVYC) le Zoheisa FC an inkhel a. Neihsiel Veng chun awlsam deuin 4-0 in an hne. Minute 9, 12 le 43 haiah Michael Baite chun goal a thun a. Half chung minute 58 naah Johnny chun NVYC ta ding bawkin goal a thun sa a, hun tawp chengal goal dang a lut sap ta nawh. Hi dungzui hin Pool D-ah Neihsiel Veng YC chun hma an thui mek a, anni hin point 9 nein group topper an ni mek a, Zoheisa FC hi an tla fel ta a, vawisun hin Zawlbuk FC le LSC inkhel an ta, LSC chun draw chau khawma knockout kai an tih. Anachu Zawlbuk FC hi 5-0 meka an hrat naw chun knockout kai phak naw ni-



hai.

Inkhel pahnaah tukuma team inlang thar FC Ridil le Thenmuol FC an inkhel a, FC Ridil chun 3-0 in an hne lein Group Stage-a point hmu thei zat po an hmu vawng a, Group topper an inhlankai. Minute 41 naah Thenmuol tieng in goalah an thun pal a, chu hnung minute 43 le 58 haiah Lalremlin chun FC Ridil ta ding bawkin goal pahni a thun sa a, goal dang

Pep Guardiola chun Dele Alli a dit naw thu a hril

Manchester City Manager Pep Guardiola chun England le Tottenham Star Dele Alli lak tumna lungril an nei naw thu chieng takin a hril. Kum 21 chau Dele Alli hi nikuma inthawk khan an khel tha hle a, a zawnin PFA Young Player of the Year lawmman vavihni a dawng ta baww. Guardiola chun tulai football khawvelah Alli hi player tha tak a nih ti le England ta dinga innghatna tak a la hung ni ngei khawm a ringhla naw a, anachu ama Club Manchester City chun lak tumna an nei naw thu a hril. Ama chun, "Mauricio Pochettino hin Alli hi season nawka khawm la kawng ngei sien, an ta dingin a tangkai hle ding a nih.



Keini ruok chun kan dit hri nawh," a ti tawp.

Alli hi Club dang dangin an beisei mek a, chuhai lai chun Real Madrid khawm hririk a ni baww. A man khawm tam thawkkhat hle dinga ring a nih a, anachu Manchester City chun ieng angin tam sien khawm an inthawk

Billboard Latin Music Award 2017 Puong



LOS ANGELES: Billboard Latin Music Award 2017 final result chu puong a ni tah a. Shakira le Nicky Jam hai pahni chu nomination pakuo ve ve neiin a hautak an nih a. Award category hran hran hai bakah tu kum chu Lopez Telemundo "Star Award" khawm inhlán a nih. Latin hla internet-a ngaithlak/play (stream) rawn tak chu Nicky Jam hla "Hasta El Amanecer" a nih.

- Artist of the Year* chu Juan Gabriel a ni a. *Social Artist of the Year* chu Jennifer Lopez niin March Anthony chu *Crossover Artist of the Year* inhlán a nih. *NEW Artist of the Year* chu CNCO pek a ni baww. *Hot Latin Song of the Year* khawm Nicky Jam hla "Hasta El Amanecer" a ni a, *Hot Latin Songs Artist of the Year* (male) a lak baww, nuhmei ah Shakira a nih.
- Song Writer of the Year* chu Horacio Palencia Cisneros inhlán a nih a. *Publisher* ah DEL World Songs le Corporation ah Sony Music han an lak baww. Category hran hran lawmman latuhai, a pawimaw langsar zuol deuh chu a hnuoihai hi an nih:
- OVERALL ARTISTS CATEGORIES:**
Artist of the Year: Juan Gabriel
Artist of the Year, New: CNCO
Tour of the Year: Marc Anthony
Social Artist of the Year: Jennifer Lopez
Crossover Artist of the Year: Justin Bieber
- SONGS CATEGORIES:**
Hot Latin Song of the Year: Nicky Jam, "Hasta El Amanecer"
Hot Latin Song of the Year, Vocal Event: Enrique Iglesias featuring Wisin, "Duele El Corazon"
Hot Latin Songs Artist of the Year, Male: Nicky Jam
Hot Latin Songs Artist of the Year, Female: Shakira
Hot Latin Songs Artist of the Year, Duo or Group: Banda Sinaloense MS De Sergio Lizarraga
Hot Latin Songs Label of the Year: Sony Music
Latin Airplay Song of the Year: Enrique Iglesias featuring Wisin, "Duele el Corazon"
Latin Digital Song of the Year: Nicky Jam, "Hasta El Amanecer"
Streaming Song of the Year: Nicky Jam, "Hasta El Amanecer"
Albums Categories Top Latin Album of the Year: Juan Gabriel, *Los Duo 2*
Top Latin Albums Artist of the Year, Male: Juan Gabriel
Top Latin Albums Artist of the Year, Female: Selena
Latin Pop Songs Artist of the Year, Solo: Enrique Iglesias
Latin Pop Songs Artist of the Year, Duo or Group: CNCO
Latin Pop Album of the Year: Juan Gabriel, *Los Duo 2 Latin*
Pop Albums Artist of the Year, Solo: Juan Gabriel
- LATIN RHYTHM CATEGORIES**
Latin Rhythm Song of the Year: Nicky Jam, "Hasta El Amanecer"
Latin Rhythm Songs Artist of the Year, Solo: Nicky Jam
Latin Rhythm Songs Artist of the Year, Duo or Group: Zion & Lennox
Latin Rhythm Album of the Year: J Balvin, *Energia*
Latin Rhythm Albums Artist of the Year, Solo: J Balvin
Latin Rhythm Albums Imprint of the Year: Capitol Latin
- WRITERS/PRODUCERS/PUBLISHERS CATEGORIES**
Songwriter of the Year: Horacio Palencia Cisneros
Publisher of the Year: DEL World Songs, ASCAP
Publishing Corporation of the Year: Sony/ATV
Music Producer of the Year: Saga Whiteblack.

Gautam Gambhir in CRPF thi nauhai lekha inchukna a tum pek ding



NEW DELHI: Kolkata Knight Riders captain Gautam Gambhir chun a Charitable Foundation (Gautam Gambhir Foundation) in April 24, 2017 nia Sukma district (Chhattisgarh) a Maoist han CRPF an lambun huna CRPF personnell 25 thina tuok hai nau hai lekha inchukna sum seng hai a tum pek ding thu a puong.

Hi thila ding hin hma lak tan mek a nita thu Gautam Gambhir chun a hril.

India opening batsman le tuta Indian Premier League-a Kolkata Knight Riders captain Gambhir chun, CRPF hai lambunnaa thi pahni nau han an pa hai ruong an ta lai thlalak a hmu chun a lungril a taww takzet niin a hril. (HT)